

## ხელშეკრულება სახელმწიფო შესყიდვის შესახებ (პროექტი)

ქ. თბილისი \_\_\_\_\_ 2019 წ.

ერთის მხრივ სსიპ „საგანმანათლებლო და სამეცნიერო ინფრასტრუქტურის განვითარების სააგენტო“, მისამართი: ქ. თბილისი, ალექსიძის N1, შენობა-ნაგებობა N1, მე-2 სართული, ს/კ 202294980; სახელმწიფო ხაზინა, ა/ა 200122900, კოდი: 220101222 (შემდგომში “შემსყიდველი”) და მეორეს მხრივ \_\_\_\_\_ (შემდგომში “მიმწოდებელი”) მიღწეულ იქნა ურთიერთშეთანხმება შემდეგზე: 2019 წლის \_\_\_\_\_ სახელმწიფო ბიუჯეტის დაფინანსების ფარგლებში შემსყიდველმა გამოაცხადა \_\_\_\_\_ ელექტრონული ტენდერი, 4 (ოთხი) ერთეული სატრანსპორტო საშუალებით 8 -12 კლასის (ექსკლუზიური უფლებამოსილების საფუძველზე შესყიდული) სასკოლო სახელმძღვანელოების გადაზიდვის მომსახურების სახელმწიფო შესყიდვაზე, (კლასიფიკატორის (CPV) კოდები: \_\_\_\_\_) და მიიღო მიმწოდებლისაგან სატენდერო წინადადება მომსახურების გაწევაზე შემდეგ თანხაზე: \_\_\_\_\_ ლარი (შემდგომში “ხელშეკრულების ფასი”).

### 1. წინამდებარე ხელშეკრულება ადასტურებს შემდეგს:

- 1.1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.
- 1.2. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:
  - ა) წინამდებარე ხელშეკრულება;
  - ბ) მიმწოდებლის მიერ წარმოდგენილი სატენდერო წინადადება;
- 1.3. მიმწოდებელი იღებს ვალდებულებას გაუწიოს შემსყიდველს მომსახურება ხელშეკრულების პირობების შესაბამისად.
- 1.4. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულების პირობებში ასახულ ვადებში და ფორმით.
- 1.5. ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.
- 1.6. ხელშეკრულებით გათვალისწინებული მომსახურების გაწევის ვადა განისაზღვრება შესყიდვის ობიექტის მიწოდების ვადად განისაზღვროს ხელშეკრულების გაფორმებიდან შემსყიდველის მოთხოვნის შესაბამისად, 2019 წლის 01 აგვისტოდან 15 სექტემბრის ჩათვლით.
- 1.7. წინამდებარე ხელშეკრულება ძალაშია ზემოთმითითებული თარიღიდან \_\_\_\_\_ ჩათვლით.

### 2. გამოყენებული ტერმინების განმარტებები

- 2.1 ხელშეკრულებაში გამოყენებულ ტერმინებს აქვთ შემდეგი მნიშვნელობა:
  - 2.2.1 ხელშეკრულების ღირებულება ნიშნავს საერთო თანხას, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულებისათვის.
  - 2.2.3 „შემსყიდველი“ ორგანიზაცია (დაწესებულება), რომელიც ახორციელებს შესყიდვას;
  - 2.2.4 „მიმწოდებელი“ ნიშნავს პირს, რომელიც შემსყიდველთან მოლაპარაკების საფუძველზე, უწევს მომსახურებას მოცემული ხელშეკრულების ფარგლებში;
  - 2.2.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

### **3. შესყიდვის ობიექტის მიწოდების პირობები და ვადები**

- 3.1. შესყიდვის ობიექტის მიწოდების ვადად განისაზღვროს ხელშეკრულების გაფორმებიდან შემსყიდველის მოთხოვნის შესაბამისად, 2019 წლის 01 აგვისტოდან 15 სექტემბრის ჩათვლით.
- 3.2. მომსახურება ითვალისწინებს გადადგილებას საქართველოს მთელ ტერიტორიაზე.

### **4. შესყიდვის ობიექტის მიღება-ჩაბარების წესი**

- 4.1. შესყიდვის ობიექტის მიღება ფორმდება საანგარიშო თვის ბოლო რიცხვში მიღება-ჩაბარების აქტით, რის საფუძველზეც „მიმწოდებელი“ „შემსყიდველს“ წარუდგენს შესაბამის ფინანსურ დოკუმენტაციას.

### **5. ანგარიშსწორების ფორმა და ვადები**

- 5.1. „მიმწოდებელიდან“ ანგარიშსწორება ხორციელდება უნაღდო ანგარიშსწორებით ეროვნულ ვალუტაში.
- 5.2. ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი, წარმოდგენილი შესაბამისი ფინანსური დოკუმენტაცია.
- 5.3. „მიმწოდებელიდან“ ანგარიშსწორება ხორციელდება ყოველთვიურად, შესაბამისი დოკუმენტაციის წარმოდგენიდან 10 სამუშაო დღის ვადაში.
- 5.4. მიღება-ჩაბარების აქტის წარმოდგენილობის შემთხვევაში არ მოხდება თანხის გადახდა.
- 5.5. შემსყიდველის ბრალეულობის გარეშე ავტომატურად მოცდენის ან გადმოცემის შეფერხების შემთხვევაში მიმწოდებელს არ აუნაზღაურდება შესაბამისი დღეების თანხა.

### **6. მხარეთა უფლებები**

- 6.1. „მიმწოდებელს“ უფლება აქვს:
- 6.1.1. ხელშეკრულების ფარგლებში მოითხოვოს თანხის დროული გადახდა.
- 6.2. „შემსყიდველს“ უფლება აქვს:
- 6.2.1. მოითხოვოს ხარისხიანი მომსახურების გაწევა ხელშეკრულებით გათვალისწინებულ ვადაში.
- 6.2.2. აწარმოოს ხელშეკრულების პირობების შესრულების მონიტორინგი.

### **7. მხარეთა ვალდებულებები**

- 7.1. „მიმწოდებელი“ ვალდებულია:
- 7.1.1. უზრუნველყოს „შემსყიდველი“ ხარისხიანად გაწეული მომსახურებით.
- 7.1.2. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 7.1.3. საკუთარი ხარჯებით უზრუნველყოს ავტომატების დაზღვევა;
- 7.1.4. მიმწოდებელი ვალდებულია არაუმეტეს 12 საათის განმავლობაში უზრუნველყოს ავტომობილის ჩანაცვლება ანალოგიური სპეციფიკაციის სატრანსპორტო საშუალებით, ასევე საკუთარი ხარჯებით უნდა მოახდინოს ტვირთის გადატანა ძარიდან ძარაზე. ავტომატების მწყობრიდან გამოსვლის შემთხვევაში, მოცდენილი დღეები არ ანაზღაურდება.
- 7.2. „შემსყიდველი“ ვალდებულია:
- 7.2.1. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

## **8. ფორს-მაჟორი**

8.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

8.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და სხვა.

8.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

## **9. ხელშეკრულების პირობების და ღირებულების გადასინჯვა**

9.1. სახელმწიფო შესყიდვის შესახებ დადებული ხელშეკრულების პირობების შეცვლა არ დაიშვება, გარდა საქართველოს სამოქალაქო კოდექსის 398-ემუხლით გათვალისწინებული შემთხვევებისა.

9.2. ხელშეკრულების პირობების ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

## **10. სადავო საკითხების გადაწყვეტა**

11.1. „შემსყიდველმა“ და „მიმწოდებელმა“ ხელშეკრულების ან მასთან დაკავშირებული გარემოებების ირგვლივ წარმოშობილი ყველა უთანხმოება და დავა უნდა მოაგვარონ ურთიერთ შეთანხმების გზით.

11.2. მხარეებმა, სადავო საკითხის შეთანხმების გზით მოგვარების შეუძლებლობის შემთხვევაში კანონმდებლობით დადგენილი წესით შეუძლიათ მიმართონ სასამართლოს.

## **12. ხელშეკრულების შესრულების შეფერხება**

12.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 10 (ათი) დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.

12.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს

გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

### **13. მხარეთა მიერ ვალდებულებების შეუსრულებლობა**

13.1. ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს ეკისრება პირგასამტეხლო ხელშეკრულების ღირებულების 0.02%-ის ოდენობით ყოველ ვადაგადაცილებულ დღეზე.

13.2. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

13.3. იმ შემთხვევაში, თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, „შემსყიდველს“ უფლება აქვს შეწყვიტოს ხელშეკრულება.

### **14. ხელშეკრულების კონტროლი**

14.1. ხელშეკრულების შესრულების კონტროლს განახორციელებს სააგენტოს თანამშრომელი \_\_\_\_\_;

14.2. შემსყიდველს ან მის წარმომადგენლებს უფლება აქვთ განახორციელონ მომსახურების ხარისხის კონტროლი.

14.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით.

### **15. ხელშეკრულების შესრულების გარანტია**

15.1. ხელშეკრულების შესრულების უზრუნველყოფის გარანტია არ მოითხოვება.

### **16. ხელშეკრულების ენა**

16.1. ხელშეკრულება და მასთან დაკავშირებული ყველა მოლაპარაკებები დასხვა დოკუმენტაცია, რომლებიც გაიცვლება მხარეთა შორის, ფორმდებაქართულ ენაზე.

### **17. ხელშეკრულების შეწყვეტა**

17.1. ხელშეკრულება შეიძლება შეწყვეტილ იქნეს:

ა) მომსახურების გაწევით.

ბ) მხარეთა შეთანხმებით.

გ) საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევებში;

### **18. განსაკუთრებული პირობები**

18.1. ხელშეკრულება შედგენილია სამ ეგზემპლარად და თითოეულმათგანს აქვს თანაბარი იურიდიული ძალა.

18.2. ხელშეკრულების ერთი ეგზემპლარი ინახება „მიმწოდებელთან“, ორი ეგზემპლარი – „შემსყიდველთან“.

მხარეთა მისამართები და რეკვიზიტები:

შემსყიდველი:

მიმწოდებელი: